

**Nunat tamalaat akornanni aningaasaliisussanut pilerinarsaanissamut atatillugu
Tasersiarmi erngup nukinganik nukissiorfiliortoqarnissaata avammut
ussasaarutiginnissaanut aalajangersimasumik pilersaarummut
periusissiortoqarnissaanik Naalakkersuisut peqquneqarnissaannik Inatsisartut
aalajangiiffigisassaattut siunnersuut. Pilersaarut kingusinnerpaamik UKA2022-mi
saqqummiunneqassaaq.**

Inatsisartunut ilaasortamit Siverth K. Heilmannimit Atassummeersumit saqqummiunneqartoq

pillugu

Inuussutissarsiornermut Aatsitassanullu Ataatsimiititaliap

siunnersuutip aappassaaneerpeqarneranut

ISUMALIUTISSIISUTAA

Ataatsimiititaliap suliarinninnermini inuttarai:

Inatsisartunut ilaasortaq Mariane Paviassen, Inuit Ataqtigiit, Siulittaasoq

Inatsisartunut ilaasortaq Lars Poulsen, Siumut, Siulittaasup tullia

Inatsisartunut ilaasortaq Aqqalu Jerimiassen, Atassut

Inatsisartunut ilaasortaq Karl Tobiassen, Siumut

Inatsisartunut ilaasortaq Knud Mathiassen, Inuit Ataqtigiit

Inatsisartunut ilaasortaq Harald Bianco, Inuit Ataqtigiit

Inatsisartunut ilaasortaq Aslak Wilhelm Jensen, Siumut

UKA2021-mi ulloq 16. november siullermeerinninnerup kingorna siunnersuut
ataatsimiititaliamit misissorneqarpoq.

Siunnersuutip imarisai siunertaalu

Tasersiami erngup nukinganik nukissiorfiup periarfissiissutai pillugit nunani tamalaani
aningaasaliisartunut sammisumik pilerinarsaanissamut pilersaarummik suliaqaqqullugit
Naalakkersuisut peqquneqarnissaat siunnersuuteqartumit kissaatigineqarpoq.

Siunnersuutip Inatsisartuni siullermeerneqarnera

Nunani tamalaani aningaasaliisartunut qammaanissaq siunertaralugu Tasersiami erngup
nukinganik nukissiorfiup periarfissiissutai pillugit pilerisaarinissamik isumassarsiaq
siullermeerinninnermi taparserneqarluarpoq. Naalakkersuisut akissuteqaamminni

allannguutissatut siunnersuummik imaattumik saqqummiipput:

Tasersiami aammalu periarfissaqarfiusuni qanitaaniittuni erngup nukinganik periarfissaqarfiusut nittarsaanneqarnissaannut unammilleqatigiisitsiviginissaannullu pilersaarummik aalajangersimasumik suliaqarnissamik peqquneqarnissaat pillugu Inatsisartut aalajangiiffigisassaattut siunnersuut. Erngup nukinganik periarfissaqarfiiit taakkua unammilleqatigiisitsiviginissaat pillugu nalunaaruteqarneq 2022-mi pissaaq. Naalakkersuisut UKA2022-mi suliaqarneq pillugu Inatsisartunut ilisimatitsinissamik peqquneqarput.

Ataatsimiititaliap siunnersuummik suliarinninnera

Ilaatigut nukissiutit ataavartut atorneqarnerannik annertusaanissaq ilaatigullu nunatta isertitaqarnissaata qulakkeerneqarnissaa siunertaralugu nukissiornermi sinneqartoorutip annertooujussuusussatut ilimagineqartup ingerlatanut nukissamik annertuumik atuiffiusussanut atorneqarnissaa siunertaralugit Tasersiami erngup nukingata periarfissiissutaanik atuinissap ajornarunnaarsinneqarnissaa pillugu tunngaviumik isumassarsiamut tapersiilluartoqarnera ataatsimiititaliamit maluginiarneqarpoq.

Siunnersuutaqaartup Naalakkersuisullu allannguutissatut siunnersuutaat annertuutigit assigniissuteqartut ataatsimiititaliamit maluginiarneqarpoq. Siunnersuutit marluullutik erngup nukingata periarfissiissutaanik pilerisaarinissamat pilersaarusiornissamik Naalakkersuisunut pisussaaffiliipput. Tamatuma saniatigut aningaasaliisartut imminnut unammilleqatigiillutik qanoq atuinissamat pilersaarutitik saqqummiussinissamat pissutissaqalersinneqarnissaat Naalakkersuisunit kissaatigineqarpoq. Erngup nukinganik periarfissaqarfiusut Naalakkersuisunit unammilliutigitinniarneqarnerat kiisalu Naalakkersuisut allassimanerat UKA2022-mi suliap ingerlanera pillugu Inatsisartunut ilisimatitsiniarnerat ataatsimiititaliamit taparserneqarsinnaavoq.

Siunnersuutip aningaasaqarnikkut kingunissai

Siunnersuutip piviusunngortinneqarnerani aningaasaqarnikkut allaffissornikkullu kingunissat siunnersuummut tunngavilersuutini allaaserineqassasut Inatsisartut suleriaasianni § 33, imm, 1-imi allassimavoq.


Tamanna naapertorlugu siunnersuutip piviusunngortinneqarnerani pisortanut aningaasaqarnikkut allaffissornikkullu kingunissat siunnersuummi allaaserineqarsimasut ataatsimiititaliap maluginiarpaq, taamaalillunilu suliaasaq ilinniagartuup ukiumi ilivitsumi sulineranut aningaasartuutinit amerlanerunngitsunik atuilluni naammassineqarsinnaassasoq. Naalakkersuisut allannguutissatut siunnersuutaat qulaani allassimasunik allannguinnissamik tunngavissiinngitsoq ataatsimiititaliamit naatsorsuutigineqarpoq.

Ataatsimiititaliap inassuteqaatai


Naalakkersuisut allannguutissatut siunnersuutaat
ataatsimiititaliamit isumaqatigiittumit inassutigineqarpoq

akuersissutigineqassasoq

Ataatsimiititaliap taama oqaaseqaateqarluni isumaliutissiisummilu allassimaneratut paasinnilluni siunnersuut aappassaaniigassanngortippaa.




Mariane Paviassen
Siulittaasoq



Lars Poulsen
Siulittaasup tullia

Aqqu Jerimiassen



Karl Tobiassen



Knud Mathiassen



Harald Bianco



Aslak Wilhelm Jensen

Ataatsimiititaliap taama oqaaseqaateqarluni isumaliutissiissummilu allassimaneratut paasinnilluni siunnersuut aappassaaniigassanngortippaa.

Mariane Paviasen
Siulittaasoq

Lars Poulsen
Siulittaasup tullia



Aqqalu Jerimiassen

Karl Tobiassen

Knud Mathiassen

Harald Bianco

Aslak Wilhelm Jensen